

BOSNA I HERCEGOVINA

FEDERACIJA BOSNE I HERCEGOVINE

Predstavnički dom Parlamenta FBiH

Sarajevo, 23.05.2025 godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 23-05-2025			
Org. jed.	Broj	Priloga	Vrijednost
01	-02-	1804	/17

dr. sc. Admir Čavalić, zastupnik SBiH

BOSNA I HERCEGOVINA

FEDERACIJA BOSNE I HERCEGOVINE


PARLAMENT FEDERACIJE BiH

PREDSTAVNIČKI DOM

n/r predsjedavajućeg gosp. Dragana Miokovića

**PREDMET: Amandmani na Prijedlog Zakona o dugu, zaduživanju i garancijama u
Federaciji Bosne i Hercegovine**

Na osnovu članova 184. i 195. Poslovnika o radu Predstavničkog doma Parlamenta FBiH (Službene novine Federacije Bosne i Hercegovine 69/07, 02/08, 26/20 i 13/24) podnosim amandmane na Prijedlog Zakona o dugu, zaduživanju i garancijama u Federaciji Bosne i Hercegovine.



**dr. sc. Admir Čavalić, zastupnik u Zastupničkom domu Parlamenta FBiH
Stranka za Bosnu i Hercegovinu (SBiH)**

AMANDMANI NA PRIJEDLOG ZAKONA O DUGU, ZADUŽIVANJU I GARANCIJAMA U FEDERACIJI BOSNE I HERCEGOVINE

AMANDMAN I

U Prijedlog Zakona o dugu, zaduživanju i garancijama u Federaciji Bosne i Hercegovine u članu 25. stav (10) se mijenja u:

„Kada vanjsko zaduženje Federacije nastaje emisijom obveznica na međunarodnom finansijskom tržištu, postupak emisije se provodi u skladu sa propisima iz člana 12. stav (1) i (2) ovog zakona, a uz obavezno prethodno odobrenje i u skladu sa procedurama propisanim Zakonom o zaduživanju, dugu i garancijama Bosne i Hercegovine.“

OBRAZLOŽENJE

Ovim amandmanom se osigurava usklađenost entitetskog zakona sa odredbama člana 49. Zakona o zaduživanju, dugu i garancijama Bosne i Hercegovine, čime se sprječava mogućnost neustavnog djelovanja Federacije BiH kroz stvaranje vanjskih obaveza bez prethodnog odobrenja institucija Bosne i Hercegovine.

AMANDMAN II

U članu 32. dodaje se stav (4): "Pri aktiviranju mjera iz stava (1), Federalno ministarstvo finansija dužno je obavijestiti Parlament Federacije i objaviti sažeti izvještaj sa razlozima kašnjenja i mjerama koje se poduzimaju."

OBRAZLOŽENJE

Ovim amandmanom se doprinosi transparentnosti i jačanju demokratskog nadzora nad upravljanjem javnim dugom. Aktiviranje finansijskih mjera prema nižim nivoima vlasti ima značajne političke i fiskalne posljedice, te je od javnog interesa da se o tome redovno informiše Parlament Federacije kao najviši zakonodavni organ. Ovaj pristup je u skladu sa savremenim principima fiskalne transparentnosti, preporukama međunarodnih finansijskih institucija i praksama razvijenih demokratskih sistema.

AMANDMAN III


U članu 43. dodaje se stav (3): "Zahtjev za izdavanje garancije obavezno sadrži procjenu uticaja na javne finansije i fiskalni okvir Federacije ili nižih nivoa vlasti."

OBRAZLOŽENJE

Izdavanje garancija, iako se formalno ne knjiži kao trenutna obaveza, stvara potencijalni fiskalni rizik koji može opteretiti budžet Federacije, kantona, gradova ili općina u slučaju aktivacije garancije. Stoga je neophodno da svaki zahtjev za garanciju bude praćen procjenom njegovog mogućeg fiskalnog uticaja na javne finansije, što je u skladu s principima dobrog upravljanja, zakonitosti i održivog budžetskog planiranja. Ova odredba je posebno važna u kontekstu

usklađivanja sa EU fiskalnim standardima koji zahtijevaju analizu i transparentnost fiskalnih rizika povezanih s izdavanjem garancija.

Sarajevo, 23. maj 2025. godine

A handwritten signature in black ink, appearing to read "Čovohir Ahmet". The signature is written in a cursive style with a large initial "Č" and a long, sweeping underline.